

Мы издаемъ пространную редакцію чина постриженія инокинь по рукописи Солов. библіотеки № 724 (1086) съ указаніемъ особенностей краткой редакціи по рукописи той же библіотеки № 725 (1085).

Чинъ постриженіе черницы ангельскаго образа.

Рук. Сол. библи. XV в. № 724 (1086) л. 243—275.

*По отпущеніи оутренни. сядят черницы около
хотящии пріати святыи образ. поютъ глаголемую преже
де сдѣлаи стихирѣ, гласъ 1.*

Послушай Христа. что въшеетъ, о дѣво, крестъ
вземлещи иго мое на рами. иди отврѣзис земных. да
не привлечетъ тебе страсть, ни пища чревная тя лишит
истиннаго живота. внемли оутвержай страшное обѣ-
щаніе. гдѣ пасетъ, гдѣ пребываетъ егож любитъ душа моя.

Таж. по Благословенъ Богъ нашъ. *Таж.* Три-
святое. *По* Отче нашъ. Господи помилуй. кѣ. Пріидите
поклонимся. ѳ. *Псалом. н.* Помилуй мя Боже. *Таж*
канон, писанъ в мужскомъ постриганіи.

*Посемъ поимши игжмниа за рѣкѣ. хотящую пріати
святыи образъ. и поведѣт ю в притворъ церковныи
идеже уготовано есть оумываніе. сзади идущимъ чер-
ницамъ съ свѣщами. поюще стихирѣ, гласъ 1.* Послѣдуемъ
мы сестры благому Владыцѣ. оувядимъ мирскихъ похотей.
оубѣжимъ лестца міродержителя. бѣдемъ чисты и съврѣ-
щенъ. почтемъ образъ. оустыдимся званія. что творимъ
се смиренны высоцѣ бывше. что въ видимыхъ пребываемъ.
каждо насъ себе плодъ принесетъ. по даннѣи благодати.
да всякими мѣрами благодателю тамо суіцаа славы.
обители наслѣдуемъ. *Богородичен.* Грѣшныхъ молитвы
пріемлюще. и скорбящихъ въздыханія не презри. молящи
(ниже) отъ чистую божѣ твоего. спастися намъ пресвятая
дѣво.

Таж оумываніе. Антифонъ 1. гласъ 6. Оумывый
нозѣ святыхъ оученикъ, и насъ оцѣсти отъ беззаконій

наших. *Стих.* Блажени непорочніи.—Спасый чинъ свя-
 тыхъ ти оученикъ. и насъ спаси отъ врагъ нашихъ
 молимся. *Стих.* Благости и наказанію и разуму научи
 мя.—Показавъ Петрови не отлучатися отъ тебе. и намъ
 недвижиму вѣру съхрани. *Богородиченъ.* Все упованіе
 мое къ тебѣ възлагаю, мати Божія съхрани мя въ
 своемъ си кровѣ. *Антифонъ Ъ. гласъ Д.* Подаси грѣховъ
 оцѣщеніе. оумывающимся рабомъ своимъ. *Стих.* Оумыю
 в невинныхъ руцѣ мои.—Вселися невидимо, Господи,
 посреда рабынь своихъ. и благослови вся ны. *Стих.*
 Оуслышати гласъ хвалы твоея.—Блаженнаго ти жребія.
 оучинившихся оу тебе. и насъ покажи оумывающихся
 Владыко. *Богородиченъ.* Отъ всѣхъ бѣдъ рабы своя съ-
 храни, благословенная Богородице дѣво, да ты про-
 славляемъ, оупованіе душамъ нашимъ. *Антифонъ Г.*
Гласъ З. Съюзомъ любви связаемы апостоли. владущему
 всѣмъ себе Христу предавшие, красны ноги оумываху.
 благовѣствующе всѣмъ миръ. *Стих.* Будетъ яко древо
 сажденно пріисходищихъ водъ.—Не обятіемъ съдрѣжаще
 превысокую на въздушѣ воду. оученикомъ показываетъ.
 яже глубины обуздываетъ. и море въстязжетъ. о Божія
 премудрости. воду в кринь вливаетъ и оумываетъ ногѣ
 рабомъ. *Стих.* Иже плодъ свой дастъ въ время свое.—
 Оученикомъ показываетъ смиренія образъ. облачая небо обла-
 къ. преклоняетъ колѣни рабомъ ногѣ оумыти, смужъ в
 ржцѣ дыханіе и тварь всѣхъ сущихъ. *Слава і нѣтъ.*
 Единородне и единосущне Отцу своему и Духови. отъ
 Дѣвы въплотися несмѣсно якоже самъ вѣсть в чистотѣ
 съхраняй стадо свое. в мирѣ же и съвѣкшленіи. снаб-
 дая присно. *Посемъ діаконъ октенію.* Миромъ Господжъ
 помолимся. О свѣшнемъ мирѣ и о спасеніи. О мирѣ
 всего. О рабынь Божіи імрк. и помощи ея Господу
 помолимся. О быти сеи на омовеніе скверны грѣховныя,
 Господжъ помолимся. О съкрушити сатанжъ подъ ногѣ ея
 Господжъ помолимся. О избавитися ей и намъ отъ всякіа
 скорби. Застѣпи и спаси. Пресвятую чистую. *Слѣдъ*
діакономъ глаголемъ. и по по молитву сію глаголетъ тай.

Господи преблагий. непристѣпный Божеством. рабѣи зракъ прїимъ въ образъ спасенаго смиренїа. ученикъ твоихъ берныя ноги пречистыма рукама ѡбїемъ и понявою отеръ. призри на ны на недостойныя рабы твоа. такова твоего смиренїа, оуподобльшеся преславному. и грѣховныя скверны омыти рабы своа. імрк, сподоби прикосновенїемъ воды сеа. да чиста душею же и тѣломъ воды сеа бывши. благоугодно ти послужив.

Взглас. Яко ты еси святыни наша. Миръ всѣмъ. *Діаконъ.* Главы ваша Господеви преклоните. *Попъ молитвъ стаи.*

Владыко Господи славы. показавъ намъ мѣру смиренїа своимъ превысокимъ схоженїемъ. послѣдняго изволенїемъ перваго нарече. и благодаренїа въ служенїи другъ друга. възнесе ны смиренїемъ божественнымъ. съблуди ны бескверны присно, оумывающимся слезами. очищающимся свѣтомъ твоея благодати. да въ истину всегда припадающе. благоугодно послоужимъ. *Взглас.* Яко милостивъ Богъ и человѣколюбець.

Посемъ діаконъ. О сподобитися намъ достойно послушати евангелїа. отъ Іоанна.

Въ время оно, вѣдый Іисусъ. яко вся дастъ ему Отець въ руцѣ, яко отъ Бога изыде. и къ Богу грядетъ. вѣставъ свечеря и положи ризы своа. и прїимъ лентѣи и препоясася потомъ же вліа воду въ оумывальницу, и нача нозѣ оумывати оученикомъ, и отирати лентїемъ, имже бѣ препоясаны... *И препоясается и оумываетъ нозѣ юзящїи прїимъ образъ. и отираетъ имже бѣ препоясаны. и абїе начинаютъ оумывати, поющи стихирѣ, гласъ 4.* Оумый нозѣ, честная мати. и обуи мя сапогомъ цѣломудрїа. да не пришедъ врагъ обрящетъ пятны моеа нагы, и запнетъ стопы моа. *Стихъ.* Помилуй мя Боже по велицѣи. *И пакы тѣжъ стихирѣ. Стихъ.* Наипаче омый мя. *Пакы тѣжъ стихирѣ. Слава и нынѣ.* Имуже ты Богородице оупованїе и помощницу. вражїихъ навѣтъ не збоимся. яко покрываещи душа наша. *Евангелїе отъ Іоанна.*

Въ время оно. егда оумы Іисус нозѣ оучеником. и пріять ризы своа и възлеже. пакы рече им, вѣсте ли что сътворихъ вы. вы глашаете мя Господа и оучителя, есмь бо, аще оумыхъ вамъ азъ нозѣ Господь и оучитель. и вы должны есте другъ другу нозѣ оумывати. образъ бо дахъ вамъ. да якоже сътворихъ вамъ, и вы такоже творите. аминь, аминь глаголю вамъ, нѣсть рабъ боле господина моего. ни оученикъ боле посланиаго и. аще сіа внемлете, блажени есте аще творите сіа.

Посемъ поютъ тропарь глас 5. Господа глашаете мя и оучителя, о оученици, есмь бо, Христосъ вѣнчаше. тѣмъ оуподобитесь образъ, якоже въ мнѣ видѣсте. Стих. Окропиши мя иссопомъ. И пакы той же тропарь.

Сему глаголему, кропятъ на лица своя ижъмения и чернущи отъ воды оумыванія. и входятъ въ церковь, поюще тропарь глас 4.

Къ тебѣ оутренюемъ милосердому, оумывше нозѣ, и предочистившеся. тайнѣ причастишася божественѣ: нынѣ Христе твои служителіе. ижъ отъ Сиона въ Іудею великую горъ съшедшеся, поахъ ты человекѣколюбца. *Слава і нынѣ. Богородиченъ.* Избави насъ отъ бѣдъ нашихъ мати Христа Бога, рождшійа всѣмъ творца. да всѣ вънѣмъ ти. радуйся, едина о спасеніи душъ нашихъ.

И начинаютъ литургію. таже эктенью. таже поютъ антифонъ глас 4.

Хотѣхъ слезами омыти моихъ грѣховъ, Господи, рукописаніе. и прочее живота моего показаніемъ оутодити тебѣ. но врагъ льститъ мя, и боретъ душу мою. Господи прѣжде до конца не погибнѣхъ и спаси мя. *Стих. Коль възлюблена села твоя. Всѣмъ хотѣй спастися. единъ человекѣколюбецъ Богъ нашъ. ты нынѣ пріемлетъ дѣво. того всею душею възлюбивши, потому покажи чистое житіе. оугоди оуспѣшно зовущи. Господи прѣжде до конца не погибнѣхъ и спаси мя. Стих. Изволихъ примѣтатися въ дому. — Отверзи мѣ оутробу человекѣколюбца, Іисусе Христе Боже, любящей тя. пріими мя ходящую въ слѣдъ тебе, краснаго жениха своего. не попусти врагъ*

хвалітисѣ мною. Господи преж даже до конца, не погибну и спаси мя.

Антифонъ, Ъ. гласъ Д. Гдѣ есть мирская красота. гдѣ есть временныхъ мечтаніе. не сіа ли видимъ землю и пепель. что оубо тружаемся всеу. чтож не отвръжемся мира и вслѣдуемъ зовущему ны. хотяй по мнѣ итти, да въспріиметъ крестъ свой, и жизнь вѣчную наслѣдуетъ. *Стихъ.* Жива бѣдетъ душа.

Распни оуды христілюбиваа. оумертви страсти въздержаніемъ, и къ женихъ си теци и зови. гдѣ насѣши женише. гдѣ живѣши рцы ми. яко тебе възлюбивши притекохъ. на рамо крестъ твой возьми. да вниду въ чертогъ свѣщу носящи, яко дѣва чистая. — *Стихъ.* Заблѣдихъ яко овчѣ погыбшее.

Θеклѣ уподобихся мученици. Павлу жъ повинѣвшисьъ зовѣ. съвлекшесѣ ветхыа ми одежда. юже ми змѣи на лествѣ оустрои древле люте. нынѣ же притѣкаю Богъ моему, възспріемлю крестъ Его. нетлѣнное царство, и ризѣ же и одежу нетлѣннѣа. *Богородиченъ.* Свѣще неугасимая престоле праведный. пречистая владычице, моли спастися душамъ нашимъ.

Начинаемъ третьему антифону приходитъ конящая постригтися предъ святыя двери. Антифонъ, гласъ Д. Господи, отверзи двери чертога рабѣ твоей, вѣрою припадающе, сподобію всеилне, святаго твоего званія, и спричти ю паствы твоея, Іисусе мой. хотяй спасти всѣхъ насъ, и отвръзи двери правды. *Стихъ.* Отвръзи двери правды. вшедъ въ нея. — Господи, оружіе ми подай же на ратоборца. вѣрою и надеждою и любовію. оукрѣпи мя всеилне нанѣ яко челоуѣколюбець. побѣждавши его съкрѣши и поперѣ, хотяй всѣхъ насъ спасти.

Егда рекутъ Приидите поклонимся. и припадаетъ оу святыхъ дверей постригаемая до свершенія богородичина. и тако начинаютъ стихирѣ, гласъ Д. Придѣте ко мнѣ вси тружашеи и обремененіи, а азъ покою вы, възмѣте иго мое на ся, и наоучитеся от мене, яко

кротокъ есмь и смиренъ сердцемъ. и обрящете покой душамъ вашимъ. *Богородицѣ*, Иже тебе ради Богоотецъ пророкъ Давидъ пѣснь о тебѣ провозгласи. величія ти створшу, предста царица одесную тебе. тебе бо мать ходатаица живота показа, иже без отца ис тебе, въчеловѣчится благоизволи Богъ. да свой пакы съзижитъ образ истлѣвпій страстьми. заблуждшее обрѣтъ волкохыщное овча, на рамо въспріемъ, къ отцу принесе и к своему хотѣнію. съ небесными съѣкунитъ силами. и спасетъ Богородицею миръ. Христосъ имѣай велию и богатую милость.

По скончаіи богородична, вѣстави ей¹⁾ вопрошаетъ ей священникъ, глаголю.

Въспрос. Что прииде, сестро, припадаа к святому жрътвенникъ сему, и святымъ сестрамъ симъ.

Отвѣтъ. Желая житія постническаго честный отче.

Въспросъ. Любиши ли сподобитися ангельскаго образа, и съчтатися в лицѣ иночествѣмъ.

Отвѣтъ. Ей, молитвами ти честный отче.

Священникъ глаголетъ. Въ истинѣ добро дѣло и блажено избрала еси, но аще сверпиши, ибо добраа дѣла трудомъ снѣскаются, болѣзнію исправляются.

Въспрос. Волею ли своего права приходиши Господеви.

Отвѣтъ. Ей, Богу дѣйствующу честный отче.

Въспрос. Егда отъ нѣкіа бѣды или пѣжа.

Отвѣтъ. Ни, честный отче.

Вспрос. Отрицаеши ли мира и яже сѣтъ в мирѣ, по заповѣди Господни.

Отвѣтъ. Ей, Богъ поснѣпствующу честный отче.

Въспрос. Пребываеши ли в монастырѣ в пощеніи, и до послѣдняго издыханія твоего.

¹⁾ Рук. № 725 (1085): «встави ей. И посемъ вопросы писаны въ мужскомъ постриганіи. и великій вопросъ до пріятія поженіи. постригаютъ поюще: Блаженіи непорочніи всю каѣзиму. и введетъ ю въ конечней ризѣ».

Отвѣтъ. Ей, Господѣ сдѣйствующу честный отче.

Въспрос. Храниши ли в дѣвствѣ, и цѣломудріи и благоговѣніи.

Отвѣтъ. Ей, Богѣ сдѣйствующѣ, честный отче.

Въспрос. Храниши ли послушаніе, даже и до смерти къ игуменіи, и къ всѣмъ яже о Христѣ сестрамъ.

Отвѣтъ. Ей, Богѣ поспѣшствующу честный отче.

Въспрос. Терпиши ли всякѣ скорбь иноческаго житія, царства ради небеснаго.

Отвѣтъ. Ей, Господу споспѣшествующу честный отче.

Оглашеніе великаго образа. Глаголетъ священникъ:

Блюди, сестро. какова обѣтованія даеши Владыцѣ Богѣ. Апели бо придоша невидимо, написующе исповѣданіе твое сіе, еже хочещи истязана быти въ второе пришествіе Господа нашего Іисуса Христа. покажю ти убо свершенное житіе. в немже по подобію Господню жителство является. засвидѣтельствую, яже подобаетъ ти приати и ихже лѣпо отгребатися. отреченіе оубо нѣсть ино что. по реченному, развѣ кресту и смерти обѣщаніе. Вѣждь убо от нынѣшняго дни. распинатися и оумертвитися миру, свершеннаго ради отреченія. отрицаеши бо ся родитель, братія, мужа и чяда, сродства, другинь любимых, и обычаа их. и иже в мирѣ мятежа и пощеченія, скотомъ стяжанія, тщетныя же и сжетныя сласти же и славы. отрицаеши же ся не точію предреченных, но еще и своя дуща. по глаголу Господню глаголющему, ижъ хочетъ по мнѣ итти, да отвержется себе. и възметъ крестъ свой и послѣдуетъ ми. аще вѣистиннѣ в слѣдъ Христа изволила еси ходити, и не ложно нарецися того ученица, и с нимъ быти желаеши; оуготовися от нынѣшняго времени, не къ покою, ни къ попеченію, ни къ пищамъ, ни къ иному чесому еже на земли краснымъ же, и сладкимъ. но къ подвигомъ духовнымъ, и къ въздержанію плоти, къ очищенію души, къ нищетѣ духовнѣй, къ плачу благъ, къ всѣмъ скорбнымъ и болѣзненнымъ, радость творяще на Божію жизнь. алкати бо имашеи и жадати. и нагот-

ствовати. оукоритиже ся и цоржати. поношена же
 быти и изгнана. и въ многыя иныя напасти и скорби
 впасти, ими же на Божию жизнь въображает тя. И
 егда си вся постраждеши. радуйся рече, яко мзда ти
 многа на небесѣхъ есть. радостію убо радуйся. и весе-
 ліемъ веселися. яко днесъ избра тя, и разлучи тя
 Господь Богъ, от мирскіа жизни. и постави тя яко
 предъ лицемъ своимъ. яко в предстоаніи иноческаго
 чина. в воинствѣ ангельскаго пребыванія. в высотѣ
 небесѣ подобнаго житія. и тому ангельскы служити,
 тому всеоусердно работати. вышняя мудрѣствовати, выш-
 них просити. напе бо житіе по апостолу на небесѣхъ
 есть. О новому званію. о дарованію тайномъ. второе
 крещеніе приеми днесъ сестро. богатыми челоуко-
 любца Бога дарми и грѣхы твоя очищаетъ. и сынъ свѣтъ
 бываеши. и самъ Христосъ Богъ нашъ радуется съ свя-
 тыми ангелы его о покаяніи твоёмъ. закаляетъ ти телець
 оупитанный. Достойно убо званію шествъжй. избавися отъ
 суетныхъ пристрастій, възненавиди к нижнимъ влекъ-
 щю тя похоть. все желаніе твое преложи к небеснымъ,
 ни малыж възвратитися въспитъ. да не будеши столпъ
 сланъ яко жена Лотова, яко несеъ на своа блевотины
 възвратився. и испльнится на тебѣ слово Господне.
 яко никто же възложъ рукъ свою на рало. и обратися
 вспят оуправленъ есть в царствіи небеснѣмъ. ибо нѣсть
 ти мала бѣда обѣщающися нынѣ, вся предреченная
 съхранити. потомъ ослабити от обѣщанія. и к первому
 възвратитися житію. или отъ отца разлучитися. или
 постыщихся сестеръ. или тѣне ходящи в небреженіи
 жити дни своа. понеже тяжчайше обрящепи осуженіе
 паче на страшнѣмъ судици Христовѣ необиновеніемъ.
 Елико и большей благодати насладився нынѣ. и благо
 тебѣ якоже глаголють словеса не помолитися. или по-
 молившися и не въздати. ниже наки мни яко мимошед-
 шее время здѣшняго ти пребыванія довольно подвиг-
 нулася еси к невидимымъ силамъ вражіамъ: но виждь
 яко отселе примутъ тя паче подвижи болпши къ бранемъ
 его. и не възможетъ на ты ничтожъ отнюдь. ограженъ

тя обрѣт наставляющимъ тя крѣпкою рукою вѣрою и любовію, и къ всякому послушанію и смиренію правому. Сего ради да отступитъ отъ тебе всяко ослушаніе, гордыни, спротивословіе, реть, ревность, зависть, ярость, вопль, хмла, тайнояденіе, дерзость, отчисти любы, бесчиніе, любопрѣніе, шептаніе, роптаніе, стяжаніе особое, страстныя вещи и дрѣггыя вся злобныя вещи и вины, ихже радѣ прїидетъ гнѣвъ Божій, на творящаа таковаа, и оукоренитися в нихъ начинаетъ душамъ тлитель; начежъ потщися вмѣсто сихъ стяжати, подобающаа святыни: сестролюбіе, безмолвіе, кротость, благоговѣйство, поученіе, божественныхъ словесъ прочтаніе, съблюденіе сердечное отъ скверныхъ помышленій, дѣланіе еже по силѣ, въздержаніе, терпѣніе даже до смерти, на него же отца обѣтованіе възлагаеши, и первое и послѣднее, исповѣданіе сердечныхъ тайнъ, якожъ божественная писанія сказуютъ, крещахубося рече исповѣдающе грѣхы своя.

Взспрос. И сіа вся исповѣдаеши о оупованіи силы Божіа, в сихъ обѣтахъ терпѣти обѣщавашися до кончины живота своего, благодатию Христовою.

Отвѣтъ. Ей, Богу поспѣшествующу ми, честный отче.

Таже священникъ молитву.

Прецедрый Богъ и многомилостивый сый, иже пречистыя утробы своа, неизслѣдимою благодатию отвѣрзаа всякому приходящему къ нему, желаніемъ и любовію теплою, рекый, яко забѣдетъ жена роженное свое, а азъ тебе не забѣду, иже твое желаніе вѣдый, и предложенію твоему предлагаа крѣпость свою, къ свершенію заповѣдемъ его, да прїиметъ и обыметъ тя, и заступитъ тя, и бѣдетъ ти стѣна тверда отъ лица вражіа, камень терпѣнія и оутѣшенію вина, благомоцію податель, благодушію давецъ, мужеству споспѣшникъ, съвѣзлегаи съвѣстаа, наслажаа и веселя сердце твое, оутѣшеніемъ Святаго Духа, сподобляа тя святыхъ и преподобныхъ жентъ, Феклы, Юупракси, Оевроніи и иже съ тѣми, съ ними же и наслѣдиши царство небесное, о Христѣ Іисусѣ

Господѣ нашемъ, ему же слава и держава, и царство и сила съ Отцемъ и со Святымъ Духомъ, нынѣ и приспо и в вѣкы вѣкомъ.

Потомъ знаменаетъ священникъ на главѣ ея Г. По знаменаніи же оглашеніе. и падаетъ до скончанія молитвы главопреклоненія.

Діаконъ. Господжъ помолимся.

Священникъ обратився на востокъ. глаголетъ молитву вслухъ.

Ты, владыко, вседержителю, вышній царю славы. иже съ живымъ и съставнымъ Словомъ своимъ. и отъ тебе исходящимъ Духомъ истиннымъ. и господствуя всею тварію, видимою же и невидимою. Боже сѣдѣй на херувимѣхъ, трисвятымъ гласомъ отъ серафимъ въспѣваемъ непрестанно. ему же предстоать тысяща тысящами, святыхъ ангелъ и архангелъ воинства. ты еси свѣтъ, просвѣщаа всякого человѣка грядущаго въ миръ. оумоляемъ отъ святаго Богородица и приснодѣва Маріа. и всеа небесныя ти церкви. первецъ Іерусалима. призри милостивнымъ окомъ на смиренную рабжъ свою імрк, иже възложи и исповѣда предъ многими послухы, съвъкупи дарованный ей отъ прадѣдъ. снотвореша. и царствія твоего святымъ крещеніемъ. иноческаго сего и ангеловиднаго обѣщанія. непоколебимаго основанія. на высоцѣмъ и духовнѣмъ камени. еже въ тебѣ вѣры оутверди, и в державѣ силы твоеа. и одежи ю въ всеоружіе Святаго ти Духа, яко нѣсть ей брань къ плоти и крови. но къ началомъ къ властемъ. къ міродержителемъ тмы вѣка сего. къ духовомъ лукавствіа. препояши чресла ея силою истинны. и одежи ю въ броню правды и радости. и обѣй нозѣ ея въ оуготованіе евангеліа мирж. оуцѣломудри ю пріати щить вѣры. в немже възможетъ вся стрѣлы лукаваго ражженыа оугасити. и шлемъ спасенія. и мечъ духовный еже есть слово Божіе. заступаа неизглаголаныхъ сердца и въздыханія. съпричти ю избранныхъ твоихъ. яко да бѣдетъ съсѣдъ избраненъ тебѣ. и дщи и наслѣдница царствія твоего. сынъ свѣта и дни. мудрость. правда. святыни и избавленіе. створи

ю органъ добросъчтаненъ, псалтырь красенъ святаго Духа. яко да отсюду посредѣ спѣванія. съодѣався, вѣхаго чловѣка тлѣющаго, сладосластіа, и прелести многообразнаго. и облечется в новаго Адама по Бозѣ създаннаго, и въ преподобіи и правдѣ оутверди ю. всегда язвы и крестъ Іисусовъ на телесѣ своем носити. имже ей миръ распяты и та мирови. въобрази в ней истинно добродѣтель носити, а не чловѣкомъ оугаждати, или самооугоженію. в терпѣніи благовѣріе. а въ благовѣріи сестролюбіе и послушаніе. ублажи ю бдящу и дѣйствующую молитвѣ оутверди. спящу и встающую въ псалмѣхъ и пѣснехъ и пѣніихъ духовныхъ. ангельскы зрѣти тебе чистымъ сердцем. и покланятися тебѣ единому истинномъ Богъ. в радости неизглаголаннѣй. яко твое есть царство и дрѣжава, и власть, и тебѣ подобаетъ всяка слава честь и покланіе, нынѣ и присно и вѣкы вѣкомъ.

И абіе полагаются ножницы на святомъ евангеліи верху. и потомъ священникъ възгласъ. Миръ всѣмъ. Діаконъ. Главы ваша Господеви преклоните. Священникъ молитву главопреклоненія възслюхъ всѣмъ.

Святыи Господи силъ, Отче Господа нашего Іисуса Христа. благослови рабъ свою сію, імрк. юже избра десница твоа. и сподоби ю быти преподобной рабѣ. оупремудри ю излій на ню предвладычествующаго ти Духа благодать и разжм. оукрѣпи ю на невидимаго врага брань. плотская встанія державною ти силою низложи. даждь ей благооугаждати тебѣ. в пѣніихъ и словословленіи непрестанномъ. в пѣніи благовременнѣ. въ молитвахъ благопріятныхъ. въ свѣтѣ правды. в сердци смиренѣ. в дѣлѣ жизни, и крѣпости истіны. и сподоби ю благооугодити тебѣ. въ крѣпости в любви свершенѣ. в художествѣ в мжествѣ. и приносить тебѣ пѣніе и славословіе, и молитвы в оуханіе благовонно. сверши ей живот, в преподобіи и правдѣ да вѣннѣ бескверны, къ тебѣ имѣа съвѣкупленіе, сподобится небеснаго царствія. благодатию и щедротами. единороднаго Сына твоего. с нимже благословенъ еси, с пресвятымъ и

благымъ и животворящимъ ти Духомъ нынѣ и присно и вѣкы вѣкомъ, аминь.

Обратився священникъ въздвизаетъ ю за десную руку. и сътвори ей метаніе потомъ въстави. и цѣловавши ей святое евангеліе. и простираетъ руку огласитель. покажетъ ей святое евангеліе, глаголя к ней.

Се Христосъ, невидимо зде предстоить. блюди яко никтоже тебе ѿидитъ пріити на сей образъ. блюди, яко ты отъ предложенія своего хочещи. ангельское въображеніе се. *Отвѣтъ.* Ей, честный отче. отъ изволенія. и по обѣщанію. *Глаголетъ к ней священникъ.* Възмі ножици. и даждь ми я. *И давши ей ножици ижемену. глаголетъ к ней.* Се отъ руки Христовы взимаеши я. блюди, к кому приходиши. кому отрицаешися. кому обѣты даеши. *И возмъ ножици, священникъ отъ руки ижемена. глаголя,* Благословенъ Богъ хотий всѣмъ челоукомъ спастися, и в разжъ истинный пріити. сый благословенъ вѣкы аминь.

Потомъ стрижетъ ю. крестовидно. глаголя. Сестра наша імрк. постризаетъ власы главы своа. въ имя Отца и Сына и Святаго Духа рцѣмъ вси за ню. *Сестры.* Господи помилуй, Г.

Абѣ же поемлютъ ю сестры, в діаконникъ, сирѣчь в служебникъ. или в пипертъ, и постризаютъ. поюще канѣзму ѿ вст. Блажени непорочніи..... яко заповѣди твоя не забыхъ.

Посемъ ведѣтъ ю в конечный ризъ. ¹⁾ и не опоясаву, и не покровену ни опѣтъ вънутрь церковныхъ дверей. и по скончаніи евангеліа. антифонъ ѿ. глас Г.

Евангельскаго гласа вскорѣ повелѣніе нынѣ исполнила еси. оставль ближикы. и крестъ на рамя свои взявши. постынымъ оуставомъ мужески иди, страждущи законѣ въ церковь. імрк. святымъ образомъ, днесъ Христосъ оукрасилъ тя естъ. подай миру велию ми-

¹⁾ Отсѣлъ въ ркп. № 725 (1085) опять сходно.

лость. *Стих.* Зачало премудрости страх Господень.—
Начало пѣти блага боатися Господа. тѣмъ дѣво чест-
ная. нынѣ пристѣжи благочестно. и пріими всеоружіе
ангельскаго образа. съ страхомъ и любовію. работающе
ему. да пріимеше отъ него, съ пѣтію мудрыми дѣвами
велию милость. *Стих.* Прилпе душа моя по тебѣ, мене же
пріятъ десница.—Близъ Господь терпящимъ его, благо
же нынѣ, егда възметъ иго на рамо отъ юности своеа.
Богородиченъ. Свята первочиства похвала сущи небес-
нымъ силамъ. апостоломъ пѣніе, и пророкомъ сбытіе.
владычице пріими молитвы наша. *Антифонъ. К. гласъ Д.*

Спасъ мя призываетъ в чертогъ свой. разжмна по-
кажетъ оускъй тѣсный путь и прискорбный. того бо
ради отめщся всего мира и одеждѣ временнѣю, яко
Фекла съодѣваюся. и одѣваюся въ одеждѣ нетлѣннѣ.
непрестанно прилпе душа моя по тебѣ Господи. прі-
гвозди в страстѣ твоємъ плоть мою. и распнѣтисѣ живо-
давца Богъ. ты многомилосерде в ризѣ мя нетлѣнѣа
облеци и спаси мя. *Стих.* Се коль добро и коль красно,
еже жити сестрамъ вкупѣ. *Паки туужъ стихиру глаголи.*

*И приходитъ постриженнаа до амбона. и поютъ
стихиру гласъ Д.*

Добродѣтельнаго житіа, уже дѣво сподобися, душу
и тѣло принеши Владыцѣ. самже пріимъ обѣщаніе
в храмѣ небеснѣмъ. и часть твою учинить яко человеко-
любецъ. *Стих.* Яко тѣ заповѣсть Господь благосло-
веніе ижъ.—Днесъ веселятся небесныя силы. видяще
дѣво твою свѣтлость пороженіа. радуется добротою
благолѣпный женихъ твой Христосъ. тому дѣвство
потщися съблудити. да обрящещи в чертозѣ небеснѣмъ
покой. *Богор.* Имуще ты Богородице упованіе, вражіа
крамолы не убоимся. вся бо удобъ покрываеши. и спаси
душа наша.

*Пріиде же постриженнаа до святыхъ дверей. поютъ
стихиру гласъ Е.*

Одѣася свѣтомъ яко ризою. Самъ пѣтъ ми явился
и дверь. руку простеръ ми зоветъ. пріиди убо оуне-

вѣстися мнѣ дщи. обручих тя Павлимь ученіем и Феклою. Оле чудо. Без дара невѣсту украшает мя. и вводит мя без оуневѣщенія, и даръ страннолѣпнѣ даруетъ мнѣ. и азъ оуневѣстихся ему. пріимши обѣщаніе. *Стих.* Посли рукъ твою свыше.—Царь небесный руцѣ простирает. призываетъ в вышній град. и толкущимъ отврѣзаетъ чертогъ. и ищущимъ обрѣтается Богъ сый. тѣмъ оусердно съгласно пристѣпимъ достойнѣ. бракъ бываетъ, ему же чертогъ нерукотворенъ. ему же одежда небо-тканна. вѣистинну красенъ добротою тѣй есть. припадаетъ, и пріимемъ оставленіе прегрѣшеніемъ, и велию милость душамъ нашимъ.

Богородиченъ. Радуйся о нас святая Богородице дѣво. радуйся радость ангеломъ пріимшіа. радуйся рождѣшіа отчее сіаніе благословеннаа. радуйся чистаа и пресвятая дѣво едина препѣтаа. ты славитъ вся тварь мать свѣтѣ.

Вшедши же ей въ олтарь пріателемъ вземше порты от степени олтарнаго. облачаютъ глаголю. Сестра наша, імрк. облачится в ризѣ правды и веселія. великаго ангельскаго образа. во имя Отца и Сына и Святаго Духа, рцемъ за ню. *Сестры вси.* Господи помилуй ѿ. *Параманд.* Сестра наша імрк. пріемлетъ параманди великаго образа ангельскаго, одѣаніе нетлѣнія чистоты. въ имя Отца и Сына и Святаго Духа. рцемъ за ню. *Сестры.* Господи помилуй ѿ. *Куколь.* Сестра наша імрк. облачится в куколь незлобіа, въ шлемъ надежѣ спасенія. въ имя Отца и Сына и Святаго Духа рцѣмъ за ню. *Сестры.* Господи помилуй ѿ. *Поясъ.* Сестра наша імрк. препоасаетъ чресла своа силою истины. въ имя Отца и Сына и Святаго Духа рцемъ за ню. Господи помилуй ѿ. *Калигы.* Сестра наша, імрк. обѣвается в сандаліа, въ оуготованіе евангеліа миру. въ имя Отца и Сына и Святаго Духа рцемъ за ню. *Сестры.* Господи помилуй ѿ. Сестра наша імрк. пріятѣ великое ангельское въображеніе. въ имя Отца и Сына и Святаго Духа рцемъ за ню Господи помилуй ѿ.

Одѣваемы же ей. поют тропарь глас 5.

Облечетесь в ризѣ спасенія. препояшитесь поясомъ цѣломудрія. прїимѣте знаменіе креста, и ноги мысленныя въоружите, пощенія оружіемъ. и обрящете покой душамъ вашимъ. *Стих.* Си врата Господня праведніи внидѣхъ в ѣя. *И пакы тойже тропарь. Стих 6.* Внидите предъ нимъ въ исповѣданіи. *Глаголи тойже тропарь. Богородиченъ.* Свѣще неугасимаа, престоле праведный. пречистаа владычице. моли спастися душамъ нашимъ.

И поклонит главу постриженнаа. Поп глаголетъ молитву вслух.

Господи Боже нашъ. вѣрный въ обѣтованіи твоємъ. нераскаанный в даровѣхъ своихъ. неизрѣченный въ чело-вѣколюбіи своемъ призываый създаніе свое званіемъ святымъ. и приведый рабу свою імрк на духовный ти животъ. даждь ей жизнь благообразнѣ. житіе добродѣтельно и незазорно. да в святыни поживъ, нескверно съхранит. вѣнже силою твоею облечеся образъ. ризою же правды одѣваася. поасъ же мертвость тѣлу. и цѣломудрія в себѣ нося; а кжколь смиренномудрія шлемъ спасенія положивъ. аналавъ же крестомъ и вѣрою украшаемъ; одѣяніемъ одежею нетлѣнна обьоружаем, а сандаліями настѣпивъ на пѣть спасенія. мира, яко да бѣдетъ страшна сѣпостатомъ. и не побѣжена ратными. всякіа сласти срамныя похоти чюжа. послушаніемъ наказжема. пощеніемъ прехождая, въздержанію сдержа правило. да въ псалмѣхъ и пѣніихъ и пѣснехъ духовныхъ. хвалитъ пречестное и великолѣпное имя твое. стопамъ послѣдуа великаго пророка Ілїи и святаго Іоанна предтечи и крестителя. да постигнетъ мѣрѣ свершенія. теченіе скончаетъ. вѣрѣ съблюждаетъ. и облечется въ ангельское нетлѣніе. причтется святомъ твоємъ стадѣ. и получитъ деснаго ти предстоанія. и оуслышитъ блаженнаго ти гласа. придѣте благословеніи Отца моего. наслѣдуйте уготованное вамъ царство отъ сложенія миру. емоужъ и насъ наслѣдники быти сподоби, Боже, твоею благодатію, яко Богъ милостивъ, щедротами и чело-

вѣколюбіемъ си. и тебѣ славѣ всылаемъ Отцю и Сыну и Святому Духу, нынѣ и присно и вѣки вѣкомъ.

Миръ всѣмъ. Главы ваша Господеви преклоните.
Таж молитву тай.

Господи Боже нашъ. введый раба, твою, імѣ, в духовный ти дворъ, причти ю словесному твоему стаду, и очисти ея мудрованіе от плотскихъ похотій. и тѣлаа льсти житія. и сбри ей оумъ, непрестанно поминати подлежащихъ благъ въ зданіе. любящимъ тя и распеншихъ себе миру, царствія ради твоего. ты бо еси пастырь и посѣтитель душамъ нашимъ. и тебѣ славѣ всылаемъ Отца и Сына и Святому Духу, нынѣ и присно и вѣки вѣкомъ.

Таж пѣвцы поютъ стихирѣ гласъ 5. Да възрадуется душа моя о Господѣ. облече бо мя в ризѣ спасенія. и одежею веселія одѣя мя. яко на жениха възложи на мя вѣнецъ. и яко невѣстѣ украси мя красотою.

Стихъ. Сій день иже сътвори Господь възрадуемся. — Сърадуйтемя о Христѣ сестры. поюще благодаримъ Христа Бога. яко днесь исполняется. сій день иже сътвори мнѣ Господь. се бо именюся невѣста избранная. да възрадуется душа моя о Господѣ. облече бо мя в ризѣ спасенія. и одежею веселія одѣя мя. и исполни мя творити радости и оумиленія, того славословяще и моляще, Господи преблагый, достойнѣ мя покажи своего чертога едине Спасе. *Богородиченъ.* Великимъ даромъ дѣво чистаа. едина мати Божія сподобися. яко роди плотию единого от Троица Христа жизнедавца, спасеніе душамъ нашимъ.

Посемъ діаконъ исходитъ держа евангеліе внѣ святыхъ дверей. и цѣлуетъ преже новопостриженная святое евангеліе. и игумена и сестры. Егда же цѣлоуютъ. стихиры. гласъ 4.

Разумѣемъ сестры таинства силу. от грѣха бо къ отеческому обѣтѣ притекѣмъ агницу чистѣю. яко блгѣ и женихъ предваривъ цѣловаетъ, и пакы своса славы дарѣтъ познаніе. закалатъ телца упитанного. да и мы

достойно поживемъ. пожренному. челоуѣколюбивому Отцу и славному заколѣнію, Спаса душамъ нашимъ.

Стихъ. Влюбите Господа вси преподобніи его. *Тѣжъ глаголю стихирѣ.* *Стихъ Ё.* Възрадуется оустнѣ мои. *Стихирѣ тоуж.* Слава і нынѣ.

Богородиченъ. Радуйся Богородице дѣво. радуйся похвало. радуйся церкви Господня. радуйся горо пресѣннаа. радуйся прибѣжище. радуйся свѣщнице златый. радуйся славо православнымъ чистая. радуйся Маріе мати Христа Бога, радуйся радуйся божественна трапезо. радуйся храме. радуйся рѣчко всезлатаа. радуйся всѣмъ радости.

И тако порядку вся служба. И по отпущеніи литургіи исходятъ чернницы кунно с новопостиженою на трапезу поюще стихирѣ по пѣти. гласъ Д.

Господи Господи призри с небеси и виждь. и посѣти винограда своего. и сверши его. яже насади десница твоя. *Стихъ.* Пасый Израиля вънми. вода яко овча Іосифа: *Тѣжъ стихирѣ.* *Стихъ Ё.* Боже обрати ны и просвѣти лице свое. *Тѣжъ стихирѣ.* *Богородиченъ.* Свѣще неугасимаа. *Егда хотятъ востати от трапезы. поютъ стихирѣ гласъ З.*

Аще вѣнчаннаго съвлечеша одѣянна, но внутреняго не съодѣшася дѣво. аще бо одѣана будеша дѣво в ню. напасть тобою не обладаетъ. блюди каковы гласы слышала еси. блюди каковому женихѣ обрѣчися. блюди убо врага да не обнажитъ тебе, аки Адама и Еввѣ и страннѣ створитъ тя царствіа, яко онѣхъ раа. обѣщася Христови. Духъ Святый оутвердитъ душѣ твою. *Слава і нынѣ.* *Богородиченъ.* *Тѣжъ сію стихирю.*

Премудрый Павелъ, невѣстоводитель бываетъ на небеса. тайно принося ми обрученіе Христово. того бо ради мнѣ миръ распялся и азъ миру оумертвихся съвѣкшыхся с негнѣннымъ животомъ. с пѣснми зовущи. свѣтилникъ ногама моима законъ твой, и свѣтъ стезямъ моимъ. Господи направи стопы моя и всю мя освяти. тѣломъ и духомъ. побѣдоноснѣ мя покажи всесилне. побѣдный вѣнецъ приати мѣ едине Спасе. *И станутъ от трапезы.*

Игуменія ведетъ ю в церковь. поюще стихириж. глас Ѧ. Господи Господи призри с небесѣ. *Писана назади. Богородичен.* Свѣце неугасимаа. *Вшед в церковь поют стихиру глас Ѧ.* Всприими всеорѣжіе Христово и ходи стезею неуклонно заповѣдей его. честнаа, познай званіе, имже звася. теци. пожени. постигни небеснаго чертога царствіе, въпѣючи о Христе мой Божій Слове. душѣ мою оутверди к тебѣ притекати. тебѣ работати. и твоя съблюсти святыхъ заповѣди.—

Облечеся в ризѣ спасенія, покаанія одежею. преподоби чресла цѣломудрія съюзомъ. обрѣте бо стезю, приводящѣ тя к Богѣ. дверь ти отворзеся. дерзай на твердое ти спасеніе. немолчно въпѣючи. о Христе мой Божій Слове, душѣ мою оутверди, к тебѣ притекати.—

Се Христѣ оуневѣстися безсмертному цареві. оутварію обложися свѣтлою добродѣтелию. свѣщеніемъ свѣтлыхъ дѣлъ усрящи. хочетъ бо пріити твой женихъ. трезвися дѣво, не въздремли въпѣючи. о Христѣ мой Божій Слове. душу мою съблуди к тебѣ притекати.

Оумертвися житію, да жива будещи Христѣ. странно створи сластолюбіе на земли. очи еже не зрѣти лоукавыхъ отнюдь, предвари съпріати небеснаго царствія чертогъ, въпѣючи. о Христе мой Божій Слове. душу мою съблуди к тебѣ притекати.

Како житійскыа оставльши, о честная, стѣжаніемъ плоти, и душѣ свою распротрани Христѣ, теци доблественѣ к нему. того бо имаши споспѣшника, терпѣніемъ и жажею. на небесѣхъ напѣтавшись благыхъ въпѣючи. о Христе мой Божій Слове, душѣ мою съблуди к тебѣ притекати.

Хранитися дѣво ты наоучися заповѣди. радуйся и веселися душею. радующися о Христѣ и пѣснми и пѣніи, того чтѣще вѣрно яко Бога и Спаса и царя славы. немолчно въпѣюще. о Христе мой Боже и Слове. душу мою съблуди к тебѣ притекати.

Глас Ѣ. Чистъ есть бракъ, и нескверненъ, о дѣво, неугасиму свѣщѣ съблудай всегда внити, чаючи при-

шествіа женихова, не въздремли страстьми. и не лишися входа. мудрости словесъ слушай невѣсто. на оустрѣтеніе готовися твоего непорочнаго жениха.

И пребываетъ въ церкви 3 дній. оупражнялася отъ дѣлъ. и по 4 дній, творитъ ей попѣ молитву на снятіе куколя.

Многомилостиве Господи, даровавый рабѣ твоей, імрк., възпріятіа ради, ангельскаго образа кжколь въ племь оупованія спасенію. невземлему отъ главы ея таковую благодать соблюди. сдержа ю, съгрѣваа разума ей владычьскою благодатію. отъ противныхъ прилогъ неподвижиму яко да лукаваго зміа, блюсти пятю ея попжщеннаго, поправ главж. къ тебѣ страшной и единой главѣ всѣхъ. мысленіи очи свои вземлетъ. яко ты еси просвѣщеніе и святыни душамъ нашимъ. и тебѣ славу всылаемъ Отцю и Сыну и Святому Духу нынѣ и присно и вѣкы вѣкомъ аминь.

Миръ всѣмъ. Главы ваша Господеви преклоните. *Священникъ вслухъ встѣмъ. главопреклоненіа молитва.*

Иже огненнѣй главѣ, вещественную главж. тебѣ невидимому. единому премудржъ Богж. преклонивша Владыко. благослови и освяти. съблюди отъ всякіа напастныхъ пакости. відимыя же и невидимыя. яко твое есть царство и власть и сила и честь. Отцу и Сыну и Святому Духу. и нынѣ и присно, и вѣ вѣкы вѣкомъ аминь.